



KEREITI

2

BUKA YA
MOITHUTI

Platinum

Bokgoni ho tsa Bophelo

T. Barnard • C. De Vries • S. Adams • L. Shaw • C. Gleeson-Baird

Platinum Bokgoni ho tsa Bophelo Kereiti ya 2 Buka ya Moithuti

Maskew Miller Learning
10 Freedom Way, Milnerton, Cape Town, 7441

© Maskew Miller Learning (Pty) Ltd 2025

Ditokelo tsohle di sirelleditswe. Ha ho karolo ya kgatiso ena e ka hatsiwang, ya bolokwa mokgweng oo e ka hlahiswang hape ho ona, kapa ya phatlalatswa sebopohong sefe kapa sefe, ka tsela efe kapa efe (elektroniki, ka motjhine, ka kgatiso kapa ka mokgwa o mong o sele) ntle le ho re ho fumanwe pele tumello e ngotsweng fatshe ya monga ditokelo tse sirelleditsweng.

Ho kopa tumello ya ho hlahisa hape kapa ho fetola karolo efe feela ya phatlalatso ena, ka kopo ikopantshe le sehlopha sa Ditokelo le Ditumellano ho 021 532 6000 kapa o ka romela emeili ho rightsgranting@mml.co.za. Ho tlaleha tlolo ya molao, ka kopo romella emeile ho copyright@mml.co.za

E hatsitswe la 1 ka 2025

ISBN 978-1-779-83449-2
ePDF ISBN 978-1-834-98182-6

Mophatlalatsi Anusia Naicker David
Mohlophisi ya tshwereng Ru Bailey
E hlophisitswe ke Charles Chaka
Moralo wa bokantle ba buka ka MML Visual Design
Moralo wa buka ka MML Visual Design
Botaki ka Chamique Johnson, MML Visual Design, Danielle Albertyn, Dolph Banza, Angie Bowring, Stellah Irungu, Bennie Kruger, Ronell Lareman, Patrick Latimer, Amos Ndinyo, Lauriane Neave, Lindsey van Heerden & Bev Victor
Tlhophiso ya mongolo ka Olivia Brink
E hatsitswe ke

Diteboho

Bangodi le mohatso ba leboha tsebediso ya ditswantsho ho tswa ho:
p2, happylark / 123RF; p3a, anauenko / 123RF; p3c, marctran / 123RF; p3b, rastkobelic / 123RF; p7b, olyasolodenco / 123RF; p20d, prostooleh / 123RF; 83a, Stuart Boulton / Alamy Stock Photo; p86a-b, grgroup / 123RF; p151b, ruslan / 123RF; p155, Chronicle / Alamy Stock Photo; p166a, vanreeell / 123RF; p166b, djvstock / 123RF;

Shutterstock

p0b, Andrew Williams; p20b, santypan; p20c, Halfpoint; p21, New Africa; p24a, Motortion Films; p24b, didesign021; p24c, Roman Chazov; p24d, Halfpoint; p28, Colorfuel Studio; 29a, Teguh Mujiono; 29b, Colorfuel Studio; p30, THP Creative; p34a, Spreadthesign; 34b, sciencepics; p37a, Aonprom Photo; p37b, Cullen Macias; p37c, s.r graphics; p42, Milya Shaykh; p46a, kapichka; p46c, WESTOCK PRODUCTIONS; p46d, wavebreakmedia; p52a, THMorningMonday; p52b, Aninka Bongers-Sutherland; p52c, star dezigner; p52d, baibaz; p53a, Audrius Merfeldas; p53b, Casther /Shutterstock; 53c, gorillaimages; p54, Kazakova Maryia; p55a, Serenity Images23; p55b, Terelyuk; p55c, PJ photography; p55d, Donna Bollenbach; p56a, patjo; 60a, acceptphoto; 60b, Animaflora PicsStock; 60c, Ramon Cliff; p60d, Courtney Jenckes; p60e, Emile E Wendling; p62a, Anna Hoychuk; p62b, New Africa; p62c, Nitr; p63a, VLADIMIR VK; p63b, Sergey Moskvitin; p63c, Loren Maring; p64, Volodymyr Burdiak; p66a, MPH Photos; p66b, Artush; p67, Jordan_Abroad; p72, puyalroyo; p78a, Benerys; p78b, Martin Blazicek; p78c, Oleksandr Smushko; p78d, nicemyphoto; p78e, Ryan Bemben; p78f, Vladimir Turkenich; p79a, Hannes Thirion; p79b, Siahay Photo Corner; p79c, Roberto_Rossi; p80a, Platoon Studio / Shutterstock; p80b, Umomos; p80c, EiHeyYee; p80d, Azay photography; p80e, Chaikom; p82, Zviozdochka; 83b, Olga Listopad; 83c, Marianne Pfeil; p85, Eric Isselee; p86c, Will Power Studio / Shutterstock; 91a, Platoon Studio / Shutterstock; p91b, Hannes Thirion; p91c, Ryan Bemben; p91d, Umomos; p92, MPH Photos; p96a, imstock; p96b, loesak pakdeeto; p96c, kram-9; p103, kram-9; p107a, Abraham Overvoorde; p107b, Denis Belitsky; p109a, Pedal to the Stock; 109b, Foto-up; p109d, Aerial-motion; p111a, Waldemar Manfred Seehagen; p111b, artmanul; p111c, Aleksandr Merkushev; p111d, NAN728; p112a, gpointstudio; p112b, freevideophotoagency; p121a, Techzila; p121b, Millionstock; p136, Silver Spiral Arts; p140a, Aoraee; p140b, luma_art; p146a, Grobler du Preez; p146b, Grobler du Preez; p146c, Jurie Maree; p146d, Serah Polito; p146e, EcoPrint; p151a, H_Ko; p151c, yana_vinnikova; p151d, gcafotoграфия; p151e, New Africa; p156, Andrii_Malysh; p159a, RS-74; p159b, Red Confidential; p159c, La Gorda; p163a, Africa Studio; p163c, Kamonkanok; p163d, diplomedia; p163e, Ground Picture; p171, Alina Machado; p172a, IndianFaces; p172b, New Africa; p172c, Roman Samborskyi; p173, katsuba_art; p176a, Worraket; p176b, Smit; p176c, tratong; p176d, Veronica Rentoul; p177, TigerStocks; p178a, StockImageFactory.com; p178b, phive; p178c, Indian Food Images; p178d, NIKS ADS;

Re a o amohela ho Boithabiso ba ho Ithuta



Moithuti ya Ratehang,

Re a o amohela bukeng ena ya baithuti e thabisang! O tla kopana le metswalle e ratehang. Metswalle ena ke batho ba nang le botho bo ikgethileng jwalo ka ba hao!



O tla fumana tse latelang bukeng ya hao, tse tla o thusa ho o tataisa leetong le monate le tletseng ho ithuta le ho sibolla.

Ha re qale: Sehlooho ka seng se qala ka tlhahisoleseding ya bohlokwa eo o tla be o ithuta ka yona.

Nako ya ho utulla: Ditshebetso tse monate tse o kgothalletsang ho utulla mehopolo e metjha, ho ithuta dintlha tse monate le ho rarolla diphazele.

Mantswe a matjha: Ithute mantswe a matjha a tla o thusa ho hodisa tlotlontswa ya hao.

Ha re lekole: Qetellong ya sehlooho ka seng, phetha ditshebetso tse e le hore o be motlotlo ka dintho tse ngata tseo o ithutileng tsona!

Tekanyetso ya semmuso: E tla ba teko e tla o thusa ho bona hore na o utlwisisitse dintho tseo o ithutileng tsona kotareng ka nngwe.

Buka ena e tla o kgothalletsa ho sebetsa o le mong le kapa le sehlopha. Le tla bina, le tantshe le ho ithuta ha mmoho. Etsa bonnete ba hore o lokisetsa tlelase e nngwe le e nngwe mme o botse titjhere ya hao dipotso tse ngata ka moo o ka kgonang.

Itokisetse ho ithuta, ho bapala le ho etsa dintho tse ding le metswalle ya hao.

Thabela ho ithuta!

Dikahare

Kotara 1

Sehlooho 1 Seo re se hlohang hore re phele	1
Dijo tsa kgolo, matla le bophelo bo botle	2–3
Hobaneng re hloka metsi?	4
Moya o hlwekileng	5
Kganya ya letsatsi	6
Ha re lekole	7
Sehlooho 2 Nna le ba bang	8
Ke eng se etsang motho hore e be motswalle ya lokileng?	10–12
Batho ba sekolong le ba hae	13
Ho bontsha tlhompho le ho thusa ba bang	14–16
Ho hlorisa ba bang le boithompho	17–18
Ha re lekole	19
Sehlooho 3 Motho e mong le e mong o ikgethile	20
Batho ba tshwana ebile ba a fapane	22–23
Dintho tse thusang batho	24–25
Ho hlokomela batho ba nang le bokowa	26–27
Nka ba mohale	28–30
Ha re lekole	31
Sehlooho 4 Bophelo bo botle	32
Seo o ka se etsang ho dula o phetse hantle	34–35
Ke eng e etsang re se phele hantle?	36
Dintho tse kotsi ho rona	37
Ho sireletsa dijo tseo re di jang	38
Ditsela tse bonolo tsa ho hlwekisa metsi	39–40
Matsatsi a bodumedi le matsatsi a phomolo a ikgethileng	41–42
Ha re lekole	43

Tekanyetso ya semmuso Kotara 1 44–45

Kotara 2

Sehlooho 5 Dihla	46
Dihla tse nne	48–49
Dihla di re ama jwang	50–52
Dihla di ama jwang dintho tse holang	53
Potoloho ya bophelo ya semela sa nawa	54
Dihla di ama jwang diphoofole	55–56
Ha re lekole	57
Sehlooho 6 Diphoofole	58
Diphoofole tsa polasi	60–61
Disebediswa tsa diphoofole tsa polasi	62–63
Diphoofole tse hlaha	64–65
Diphoofole tse ikgakantshang	66
Diphoofole tse kotsing	67–68
Ha re lekole	69
Sehlooho 7 Dibopuwa tse dulang metsing	70
Dintho tse phelang metsing a hlwekileng	70–74
Ke eng e dulang metsing a lewatle?	75–76
Ha re lekole	77
Sehlooho sa 8 Mahae a diphoofole	78
Diphoofole tse etsang mahae a tsona	80–82
Diphoofole tse fumanang mahae a tsona	83–84
Diphoofole tse jarang mahae a tsona	85–88
Matsatsi a bodumedi le a mang a ikgethileng	89–90
Ha re lekole	91

Tekanyetso ya semmuso Kotara 2 92–93

Kotara 3

Sehlooho 9 Mobu.....	94
Mefuta ya mobu	96
Dibopuwa tse dulang hara mobu	97–98
Mobu bakeng sa kgolo ya dimela	99–102
Ha re lekole	103
Sehlooho 10 Dipalangwang.....	104
Ke eng sepalangwang?	106
Sepalangwang sa seporo	107–108
Sepalangwang se fofang	108–110
Sepalangwang sa metsing ..	111–112
Tshebediso e fapaneng ya dipalangwang	113–114
Ha re lekole	115
Sehlooho 11 Boipaballo mebileng	116
Polokeho ya tseleng bakeng sa ditaso.....	118
Polokeho ya tseleng bakeng sa ba tsamayang ka baesekele.....	119
Polokeho ya tseleng bakeng sa bapalami	120
Matshwao a tselo bakeng sa ditaso le ba tsamayang ka baesekele	121–122
Bana ba sekolo ba laolang sephethephethe	123
Basebeletsi ba laolang sephethephethe ba re thusa jwang	124–126
Ha re lekole	127
Sehlooho 12 Batho ba re thusang.....	128
Batho ba fapaneng ba nthusa jwang?	132–133
Ke kopa tlhahisoleseding jwang le thuso?	134
O ka kopa thuso jwang maemong a tshohanyetso?	135
Matsatsi a bodumedi le a ikgethileng?	136
Ha re lekole	137

Tekanyetso ya semmuso Kotara 3138–139


Kotara 4

Sehlooho 13 Naha ya rona	140
Mmapa wa Afrika Borwa.....	142–143
Folakga ya Afrika Borwa le moo re ka e bonang teng.....	144
Pina ya setjhaba ya Afrika Borwa.....	145
Matshwao a naha ya Afrika Borwa.....	146
Ha re lekole	147
Sehlooho 14 Ditsela tseo re buisanang ka tsona.....	148
Puisano e etswang ka ho bua	150–154
Ho bala bakeng sa puisano..	155–156
Ho sebedisa papatso ho buisana	157
Ho mamela bakeng sa tlhahisoleseding	158–162
Bohlokwa ba puisano	163–164
Ha re lekole	165
Sehlooho 15 Bosiu le motsheare bosiu	166
Dintho tseo ke di etsang bosiu	168–171
Batho ba sebetsang bosiu ...	172–175
Diphoofolo tsa bosiu.....	176–177
Bodumedi le matsatsi a kgethehileng	178
Ha re lekole	179

Tekanyetso ya semmuso Kotara 4 180–181

Lentswe le letjha182–185


Sehlooho 1 Seo re se hloakang hore re phele



Sehlooho 1 Seo re se hloakang hore re phele

Ha re qale

1. Ke dijo dife tseo o di ratang?
2. Na dijo tsee di na le phepo kapa ha di na phepo?
3. Na o thabela ho bapala ka ntle?
4. O thabela ho bapala dipapadi dife?



Mantswe
a matjha

tse nang le phepo – dintho tse matlafatsang mmele ya rona

tse se nang phepo – dintho tse kudisang mmele ya rona

Dijo tsa kgolo, matla le bophelo bo botle



Tshebetso 1




Sahil o reka dipompong, ditjhipisi le phae lebenkenkeleng la sekolo.

Sebetsang ka bobedi.

1. Ke eng e re nehang **matla**?
2. Sahil a ka etsa eng hore a be le matla a fetang?
3. Hobaneng o nahana hore Sahil o a kgathala?

matla – seo re se hloakang bakeng sa mmele ya rona hore re kgone ho sebetsa le ho bapala

Lentswe
le letjha



Tshebetso 2



Sebetsa o le mong.

Sahil o kgona ho feta boloko e le nngwe ka nako. O kgona ho ya hodimo, lehlakoreng le letshehadi, fatshe le lehlakoreng le letona. Qala ho kgutlotharo e tshehla.

Latela diaro ka dihlopha mme o bone hore na di mo isa hokae Sahil.

a. 

b. 




Hobaneng re hloka metsi?

Tshebetso 3

Sebetsa o le mong.

1. Ngola dintho tsohle tseo Mbali a di etsang ka metsi.
2. Ngola dintho tse pedi tse ding tseo re di etsang ka metsi.



Nako ya ho utulla

Metsi a hlaha kae?

1. Etsa phousetara e bontshang dibaka tse hlano moo re ka fumanang metsi teng.
2. Sebedisa dibuka le inthanete ho o thusa.
3. Jwetsa bana ba tlelase hore o ithutile eng.

Moya o hlwekileng

Batho ba hloka moya o hlwekileng hore ba phele. Kantle ho moya o hlwekileng batho ba ka kula.



Tshebetso 4



Sebetsang ka bobedi.

1. Ho etsahala eng ho setshwantsho ka seng?
2. Hobaneng moshemane a ikwetse dinko?
3. Hobaneng o hloka moya o hlwekileng?
4. O nahana hore dimela le diphoofolo di hloka moya o hlwekileng? Hobaneng?

Kganya ya letsatsi

ho tjheswa ke letsatsi

– letlalo le bohloko le bakilweng ke nako e telele letsatsing

sireletsa – ho boloka motho kapa ho hong ho le boemong bo hantle

Mantswe a matjha

vithamine D

ho tjheswa ke letsatsi



masapo a phetseng hantle

Tshebetso 5

Sebetsa o le mong.

Sheba setshwantsho mme o bale dileibole.

1. Hobaneng letsatsi le re loketse?

Qala polelo ya hao ka: Letsatsi le re loketse hobane _____.

2. Hobaneng letsatsi le ka ba lebe bakeng sa rona?

Qala polelo ya hao ka: Letsatsi le ka ba lebe bakeng sa rona ha _____.

3. O tlameha ho **sireletsa** letlalo la hao letsatsing jwang?

Qala polelo ya hao ka: Ke tlameha ho sireletsa letlamo la ka letsatsing ka ho _____.

Ha re lekole

1. Ke dijo dife tse nang le phepo?



2. Kgetha lentswe le nepahetseng polelong e ka tlase:

Re hloka ho itlotsa ka (**metsi/setlolo se sireletsang letsatsing**) hodima letlalo la rona ha re ya letsatsing.

3. Polelo ee e **nepahetse** kapa e **fosahetse**?

Mosi wa dikoloi o thusa diphoofolo, dimela le batho ho hema moya o hlwekileng.

4. Toroya setshwantsho sa hore o sebedisa metsi jwang hae.



Sehlooho 2 Nna le ba bang



Ha re qale

1. Re ka ba mosa jwang ho batho ba bang?
2. O ka tshedisa motswalle ya utlwileng bohloko jwang?
3. Fana ka dintho tse tharo tseo o ka di etsang hore ngwana e motjha ka phaphosing ya lona a ikutlwe a amohelehile.




Nako ya ho utulla

1. O ikutlwa jwang ha o thusa ba bang?
2. O ikutlwa jwang ha o thuswa ke ba bang?

Ke eng se etsang motho hore e be motswalle ya lokileng?

Tshebetso 1



Sebetsa o le mong.

Ke maitshwaro a feng a etsang motho motswalle ya lokileng?

1. Ngola fatshe maitshwaro a mane a etsang motho motswalle ya lokileng.
2. Ngola fatshe maitshwaro a mane a o etsang motswalle ya lokileng ho bana ba bang.

Motswalle ya
lokileng

Motswalle ya
lokileng

Motswalle ya
lokileng

Motswalle ya
lokileng

Mantwe
a matjha

maitshwaro – dintho tse ntle ka motho tse mo etsang a ikgethe

setswalle – batho ba qetang nako ha mmoho hobane ba rata dintho tse tshwanang



Tshebetso 2

Sebetsang ka bobedi.

Qetella thothokiso ya setswalle ka ho ngola maitshwaro le diketso tseo o nahanang metswalle e lokileng e tlameha ho ba le tsona.

Sebedisa mantswe a ka masakaneng ho o thusa.

Motswalle wa ka

Motswalle wa ka _____ ke motho ya lokileng ho ba feta bohle,
(lebitso la motswalle)

O _____, _____ hape o hlalefile.
(boitshwaro) (boitshwaro)

Motswalle wa ka o mamela dipale tsa ka letsatsi le letsatsi.

O nketsa ke ikutlwe ke _____ ha re bapala.
(maikutlo)

O dula a ikemiseditse ho _____ le ho dintho tsa hae le nna.
(ketso)

O bontsha hore na o nkgathalla haholo.

Na ke boletse hore hape o _____?
(boitshwaro)

Motswalle ya lokileng ho nna le wena.

Maitshwaro: a tshepahala, a tshehisa, mosa, na le mamello, kutlwisiso, amohela, kgathallo

Maikutlo: thabile, kgathalla batho ba bang

Diketso: bua, mamela, bapala, thusa

Tshebetso 3

Sheba ditshwantsho.

1. Ho etsahala eng ho setshwantsho ka seng?
2. Ke setshwantsho sefe se bontshang maitshwaro a matle a ho ba motswalle?



Batho ba sekolong le ba hae

Monghadi Anwar ke titjhere sekolong se seng Limpopo. Ke titjhere ya thatohatsi ho baithuti hobane o dula a le mosa, o a kgathalla mme o a ba mamela. Bohle ba dula ba thabile ka phaposing ya Monghadi Anwar.

Mantswe
a matjha

tlhompfo – Ho ba le mosa ho batho le ho latela melao

ho se hlomphe – Ho ba kgopo ho batho le ho se latele melao

Tshebetso 4



Sebetsang ka bobedi.

1. Ke dikarete dife tse bontshang tlhompfo ho titjhere le sekolo?
2. Ke dikarete dife tse bontshang ho se hlomphe matitjhere le sekolo?

Ho toroya
hodima
tafole ya ka
le setulo

Ho latela
melao ya
sekolo

Ho ba mosa
ho bana ba
bang

Ho ba
kgopo ho
matitjhere

Ho se etse
mosebetsi
oo ke
tlamehileng
ho o etsa

Ho qeta
mosebetsi wa
ka wa sekolo


Ho ba
kgopo ho
bana ba
bang

Ho
dumedisa
matitjhere a
rona ha re
ba bona

Ho bontsha tlhompfo le ho thusa ba bang



Re bontsha tlhompfo ka ho thusa batho ba bang



Re hlompfa batho ba fapaneng le rona



Re bontsha tlhompfo ka ho dula re hlwekisitse phaphosi ya baithuti le mahae a rona.



Re bontsha tlhompfo ka ho kgathalla batho ba baholo ho rona.

Tshebetso 5



Sebetsang ka bobedi.


1. Bana ba bontsha tlhompfo jwang ho batho ba bang?
2. Etsa phousetara ya setshwantsho ho bontsha tlhompfo. Kgetha e le nngwe ditshwantshong tsena kapa o iketsetse ya hao.
3. Jwetsa baithuti ka phaphosing ka phousetara ya hao.

Ka nako tse ding ha re bontshe batho tlhompfo.

Ha re etsa sena, re hloka ho kopa tshwarelo ho batho bao.

Zac, ka kopo phutha pampiri e fatshe

Ha se pampiri ya ka Monghadi Anwar!
Ha ke batle ho e phutha!



Tshebetso 6

Sebetsa o le mong.


1. Na Zac o bontsha tlhompfo kapa tjhe ho Monghadi Anwar?
2. Ha o ne o le Monghadi Anwar, na o ne o tlo thabiswa ke karabo ya Zac?
3. Ke eng eo Zac a tlamehang ho e etsa e latelang?
4. Iketse Zac mme o etsetse Monghadi Anwar karete.



Ke eng seo o tlamehang ho se ngola ka hara karete ya hao:

- Ere o kopa tshwarelo ho Monghadi Anwar
- Tshepisa Monghadi Anwar hore o ke ke wa bua le yena jwalo hape
- Taka setshwantso se tla etsa Monghadi Anwar a bososele

Tshebetso 7



Sebetsa o le mong.

1. Hatisa letsoho la hao ka hara buka ya hao.
2. Ngola fatshe dintho tse hlano tseo o ka di etsang tse ka thusang kapa tsa bontsha tlhompfo ho batho ba bang.
3. Ngola ketso e le nngwe ho monwana ka mong.



Mantwe
a matjha

ho tshwara batho
ba bang hampe
ntle le lebaka – ho bua kapa ho
etsa ho sa lokang ho ba bang
tsela eo o iponang ka yona –
Tsela eo o ikutlwang ka wena



Nako ya ho utulla

Haeba o ile wa thusa
motswalle, na o tlameha
ho lebella ho hong le
wena?

Ho hlorisa ba bang le boithompho

Ho hlorisa ba bang ke ha o bua dintho tse seng hantle kapa o ba utlwisisa bohloko mmeleng.

Ho hlorisa ba bang ho etsa hore ba ikgelle fatshe.

Tsela eo re ikutlwang ka rona e bitswa **boithompho**.

Tshebetso 8



Sebetsang ka bobedi.

1. Ho etsahalang setshwantshong?
2. O ne o tla ikutlwa jwang ha bana ba bang ba etsa sena ho wena?
3. Ke mang ya ka re thusang haeba ho na le bana ba re hlorisang?
4. Re ka etsa jwang hore batho ba ikutlwe betere ka bona?



Tshebetso 9

Sebetsang ka dihlopha.


Etsang ketane ya molaetsa.

Le tlo hloka:

- Dipene tsa mmala
- Dikere
- Seteipolara
- Dipampiri tsa mebala e sa tshwaneng

Ditaelo:

1. Seha maqephe a mebala e sa tshwaneng dikarolo tse 5.
2. Dipampiring tseo ngolang dintho tse na:
 - Tsela e le nngwe ya ho thibela ho hlorisa bana ba bang.
 - Tsela e le nngwe ya ho bontsha tlhomphe ho ba bang.
3. Koba pampiri ka nngwe hore e be sedikadikwe. Sebedisa seteipolara ho kopanya dipampiri ha mmoho hore di etse ketane.
4. Kgabisa phaphosi ka diketane tsa molaetsa.



Ha re lekole

1. Bolela maitshwaro a mararo ao motswalle a lokelang ho ba le wona.
2. O ka bontha jwang tlhompho ho ba bang?
3. Kgetha lentswe le nepahetseng: Ho hlorisa bana ba bang ho etsa hore ba ikutlwe (hampe/hantle) ka bona.
4. O ka thibela jwang motho ya hlorisang ba bang moo le bapallang teng?




Sehlooho 3 Motho e mong le e mong o ikgethile



Ha re qale

Sheba ditshwantsho.

1. Ke eng se etsang batho ba ditshwantshong ba **ikgethe**?
2. Ke eng se o etsang o ikgethe?
3. Ke eng se etsang metswalle ya hao e ikgethe?



Nako ya ho utulla



Ha ho na motho ya nang le **kgatiso ya menwana** e tshwanang le ya hao.

Sebetsang ka bobedi.

1. Penta monwana wa hao ka pente ya metsi ya mmala mme o o hatelle leqepheng.
2. Sheba ka hloko kgatiso ya monwana wa hao le ya monwana wa motswalle wa hao.
3. Na di a tshwana?


Mantwe a matjha

e ikgethile – ntho e re etsang hore re fapane le batho ba bang

kgatiso ya monwana – Matshwao a entsweng ke mela ya menwana ya rona

Batho ba a tshwane ebile ba fapane

Tshebetso 1



Sebetsa o le mong.

Tsamaya ka phaphosing mme o fumane dintho tse tshwanang le tse fapaneng ho wena le bao o kenang le bona ka phaphosing.

1. Batla motho ya entseng moriri jwalo ka wena.
2. Batla motho ya bapalang dipapadi tse fapaneng le wena.
3. Batla motho ya rwalang diborele.
4. Batla motho ya lekanang le wena ka bolelele.

tshwanang – ditho tse tshwanang.

fapaneng – dintho tse sa tshwaneng.

braai – ho besa nama hodima mashala

milk tart – ke phuting ya Afrika Borwa e entsweng ka hlama ya pheistry e tswekere le khastete

Mantwe
a matjha

Lilanie le Entle ba rata ho qeta nako le ba malapa a bona. Ba ithutile hore ba lelapa la bona ba ka fapana, empa ba a tshwana ka tsela tse ngata.



Tshebetso 2

Sebetsang ka bobedi.

1. Ke puo efe eo Lilanie a e buang?
2. O bua puo efe hae?
3. Ke dijo dife tse tafoleng tseo o di ratang?

Dintho tse thusang batho



Tshebetso 3

Sebetsang ka bobedi.

Dintho tsee di thusa batho jwang?



Diborele tsa ho bala le ho bona dintho tse hole.




Ntho e ikokotlelang e sebedisetswa ho tsamaya.



Ntja e tataisang le molamu o mosweu.



Dithusakutlo.



Nako ya ho utulla

Batlisisa ka MaAfrika Borwa a atlehileng a nang le bokowa. Sebedisa dikoranta, dimakasine kapa inthanete hore di o thuse.

Arolelana seo o se fumanang le phaposi ya lona.

Tshebetso 4



Sebetsang ka bobedi.

Papadi ya ho kwala mahlo

Le tlo hloka:

- Lesela la ho kwala mahlo
 - Bolo kapa thupa
1. Kwala motswalle wa hao mahlo. Etsa bonnete ba hore ha a bone.
 2. Beha thupa kapa bolo kae kae moo motswalle wa hao a hlokang ho e fumana.
 3. Ema le motswalle wa hao ya kwetsweng mahlo.
 4. Jwetsa mphato wa hao hore a ka fumana bolo jwang. Mo fe ditaelo.

Ho hlokomela batho ba nang le bokowa

Bala pale ya Lina.

Lina ke ngwana ya dilemo tse 8 ya sebedisang setulo sa batho ba nang le bokowa hobane ha a kgone ho tsamaya. O ile a ya sekolong se setjha moo a tlamehang ho sebedisa tselana ya ditulo tsa batho ba nang le bokowa hore a kene ka phaposing. Lina ka nako tse ding o dula ka phaposing ka nako ya kgefu hobane a kgathetse ho sebedisa tselana ya ditulo tsa batho ba nang le bokowa. Ho thata bakeng sa Lina hore a etse metswalle hobane o dula a le mong ka phaposing ka nako ya kgefu.



Tshebetso 5

Sebetsa o le mong.

1. Haeba Lina e ne e le karolo ya phaphosi ya hao, o ne o ka mo thusa jwang?
2. Na Lefa o tlameha ho dula a le mong ka nako ya kgefu? Hobaneng?
3. O ne o ka ikutlwa jwang hoja o ne o ka dula o le mong ka phaphosing ka nako ya kgefu?

bokowa – ha o sa kgone ho sebedisa karolo ya mmele wa hao
tselana - karolo ya fatshe e itshetlehileng e etsang ho be bobebe hore batho ba sututse setulo sa mabidi ba sa sebedise ditepisi.

Mantwe
a matjha

Tshebetso 6






Thabo o na le motswalle, ya bitswang Thato ya sa kgoneng ho utlwa hantle. Thato o kgona ho utlwa ha batho ba bua ha a sebedisa sesebediswa sa ho thusa ho utlwa. Ka nako tse ding Thato o sebedisa **puo ya matsoho** ho bua le batho.

Sebetsang ka bobedi.

Sheba ditshwantsho.

Thabo o bua jwang le Thato?



Mantswe
a matjha

sesebediswa sa ho thusa ho utlwa – ntho eo o e kenyang ka mora tsebe e o thusang ho utlwa

puo ya matsoho – ho sebedisa matsoho le dikarolo tse ding tsa mmele ho bua

Nka ba mohale


Tshebetso 7



Sebetsang ka bobedi.

1. Mohale ke eng?
2. Na o hloka ho ba moholo hore o be mohale?
3. O ka kgona ho ba mohale jwang?

Tshebetso 8



Sebetsa o le mong.

Sheba ditshwantsho.

O ka ba mohale jwang?



Nka ba mohale ka ho _____.



Nka ba mohale ka ho _____.




Nka ba mohale ka ho _____.

mohale – motho ya etsang kapa ya buang dintho tse thusang batho ba bang

Lentswe
le letjha

Tshebetso 9



Sebetsa o le mong.

1. Toroya setshwantsho sa hao o na le mohale wa hao.
2. Qetella dipolelo ka mohale wa hao.


Mohale wa ka ke _____.

Ke mohale wa ka hobane _____.

3. Etsa maske wa mohale wa hao.

O tla hloka:

- Khateboto e tshesane
- Pensele, dikrayone, dikhokhi
- Dikere
- Rekere kapa kgwele



Ditaelo:



1. Toroya sebopeho sa maske hodima khateboto.
2. Seha maske oo ka sekere.
3. Kopa titjhene ya hao e o thuse ho etsa masoba a manyane ho lehlakore ka leng la maske.
4. Kenya rekere kapa kgwele ho lesoba ka leng mme o fase lefito.
5. Sebedisa mmala ho kgabisa maske wa hao.

Ha re lekole

1. O tshwana jwang le bana ba bang ka phaposing?
2. O fapane jwang le bana ba ka phaposing ya hao?
3. O ka hlokomela jwang batho ba nang le bokowa?
4. O ka ba mohale jwang?



Sehlooho 4 Bophelo bo botle



Ha re qale

1. Ke setshwantsho sefe se bontshang batho ba jang dijo tse nang le phepo?
2. Bolela tse ding tsa dijo tse nang le phepo setshwantshong.
3. Ke dijo dife tseo o di jang ha o le hae?
4. Hobaneng ho le bohlokwa ho ja dijo tse nang le phepo?



Seo o ka se etsang ho dula o phetse hantle

Ha re hlokomela mmele ya rona, **ditho** tsa rona di sebetsa hantle le mmele ya rona e a matlafala.


Mmele ya rona e dula e phetse hantle haeba re ja dijo tse nepahetseng le ka tekanyo e loketseng.

Lentswe
le letjha

ditho – karolo ya mmele e etsang mosebetsi o ikgethileng



boko




matshwafo

Boko ba rona le matshwafo ke ditho tse bohlokwa mmeleng ya rona.

Re boloka mmele le menahano ya rona di phetse hantle ka ho ikwetlisa, ho nwa metsi a lekaneng le ho robala ka ho lekaneng.

Tshebetso 1



Sebetsa o le mong.

1. Bala lethathamo la tlhahlobo.
2. Ngola ditlwaelo tsa bophelo bo botle bukeng ya hao.

Ditlwaelo tsa bophelo bo botle le tseo e seng tsona?

Bua ka maikutlo a hao.

Robala ka ho lekaneng.

Hlapa mmele wa hao,
matsoho le maoto.

Eja dijo tse nang le
phepo.

Hlwekisa meno a hao.

Enwa kofi.

Tsela letswai le lengata
dijong tsa hao.

Etsa boikwetliso bo
itseng.

Shebella TV mafelobeke
kaofela.

Kenyeletsa dijo tse
nang le tswekere dijong
tsa hao.

Ke eng e etsang re se phele hantle?

Ha re ja dijo tse ngata haholo tse se nang phepo mme re sa ikwetlise, mmele ya rona e ka kula.

Tshebetso 2



Sebetsang ka dihlopha.

1. Fumana mabitso a dijo tse se nang phepo lebokoseng la ho batla mantswa.
2. Etsa polelo ka mantswa a mabedi.

kuku

ditjhipisi

tswekere


dipompong

phitsa

d d d d k t o p l d b u n l b k p v
 j i v n k u f j k i p i h i z g s d
 y p t p k u n y w t z h u f f m p a
 u o s h v u k i j j o o i k g l v r
 v m w r a k g u n h u z q t h e o j
 m p e o p i e m l i s e f l s x d q
 s o k o d d m b p p q y u s m a i d
 f n e u w h h u m i c k l k u z w i
 o g r f f v b q d s h t p g q d g r
 y w e m l n q q v i o n c e o l e i
 w x z n z q i c b o k m x z l o s k
 g c c h o j q r j s s y v h s x u j

Dintho tse kotsi ho rona

Tshebetso 3



Sebetsa o le mong.

1. Sheba ditshwantsho.
2. Bala ditlhaloso.
3. Kgetha lentswe ho tswa lebokoseng ho qetella polelo ka nngwe.

jwala

tsuba

dithethefatsi

Hore matshwafo a rona a dule a phetse hantle, ha re a tlameha ho _____ **disakerete**.



Hore sebete sa rona se phele hantle, ha re a tlameha ho nwa _____.



Hore dipelo tsa rona le menahano e dule e phetse hantle, ha re a tlameha ho sebedisa _____ **tse seng molaong**.



Mantswe
a matjha

disakerete – lehlakana le le nyenyane le tletseng ka kwae e ka laetwang

tse seng molaong – ntho e kgahlanong le molao kapa e tloang melao

Ho sireletsa dijo tseo re di jang

Bala pale e buang ka ho sireletsa dijo tsa hao.

Mme wa Mosa o ne a le morao ho nako. O ne a batla ho fihlisa Mosa sekolong ka nako. Ka ho potlaka, a lebala ho kgutlisetsa lebese ka forijing. O ile a boela a lebala ho kwala khontheinara ya dijo tsa hoseng hantle.

Ha Mosa le mme wa hae ba fihla hae mantsiboya, khontheinara ya dijo tsa hoseng e ne e tletse dikokwanyana. Ntshintshi e ne e ntse e fofa pela lebese hape le ne le nkgahampe.



Tshebetso 4

Sebetsang ka bobedi.

1. Ho etsahetse eng ka dijo tsa hoseng?
2. Mme wa Mosa o tlameha ho beha lebese kae?
3. Hobaneng lebese le ne le nkgahampe?
4. Hobaneng dijo tse ding di hloka ho kenngwa ka forijing?
5. Arola dijo tse latelang ho tse tlamehang ho behwa ka forijing le tse tlamehang ho behwa ka khabotong.

nama ya kgoho e tala mokotla wa folouru o butsweng

setjhu se setseng mokotla o butsweng wa raese

Ditsela tse bonolo tsa ho hlwekisa metsi

Tshebetso 5

Sebetsang ka dihlopha.

1. Bala pale.

Ntatemoholo Harold o rata ho ruta setloholo sa hae Jackson le motswalle wa hae Themba ditsela tse fapaneng tsa ho hlwekisa metsi a ditshila.



2. Latela ditaello tsa Ntatemoholo Harold ho etsa sefe e nyenyane ya santa ho **hlwekisa** metsi.

Etsa sefe ya metsi

O tlo hloka:

- Botlolo ya polasetiki ya metsi kapa ya senomaphodi
- Mefuta e mmedi ya santa (santa e nang le majwe le e se nang majwe)
 - Majwe a manyenyane
 - Majwe a maholo
 - Boya ba khotone
 - Dikere
 - Metsi a sa hlwekang

Mohato wa pele:

O etsa jwang sefe ya metsi:

Ntsha sekwaelana sa botlolo.

Seha botlolo ya metsi mahareng.

Kenya halofo e ka hodimo ka hara halofo e ka fatshe, molomo o shebile fatshe.



Mohato wa bobedi:

Kenya boya ba khothone hare tlase botlolong.

Jwale tshela santa e e se nang majwe, ebe e tshela santa e nang le majwa.

Hodima santa e nang le majwa tshela majwe a manyane ho latelwe ke a maholo.



Mohato wa boraro:

Tshela metsi a sa hlwekang butle ka sefeng ya hao ya santa.



Sheba metsi a ka botlolong.

Metsi a hao a jwang ka mora hore o a sefe?

Lentswe le letjha

hlwekisa – ho tlosa ditshila